

Michael Kuiperi

Tabata honor pa por a pone mi experiencia den turismo di nos pais

ORANJESTAD (AAN): Michael Kuiperi tabata un di e motornan tambe tras di e proyecto di Aruba Panorama. Esaki el a bisa den su discurso:

Awe nochí lo mi trata un tema un poco extraño. Lagrimas of awa na wowo, manera nos ta bisa hopi biaha den nos idioma, ta un forma di expresa nos emocion personal cu por ta consecuencia di un tristesa of un dolor. Den cierto caso e por ta motiva pa rabia of pa un falta di poder pa logra algo.

Pero awe nochí, awe nochí nos ta confia cu nos awa na wowo lo ta consecuencia di un profundo sentimiento di alegría y orguyo pa nos Aruba. Un orguyo special pa e pais cu yama Aruba. Laga nos realiza cu no ta por nada tin tanto bishitante cu ta keda encanta cu nos pais, encanta cu nos naturaleza cu su caracter special, cu nos playanan asina unico, cu nos clima asina agradabel, cu e tranquilidad cu nos ta ofrece y specialmente cu nos hendenan cu ta asina hospitalario.



Mi ta kere cu nos creador tabata hopi generoso cu nos pais y cu despues di a traha seis dia pa crea mundo, nos creador a scoge Aruba pa e descansa e di shete dia.

Despues di weita awe nochí tur loke nos creador a regala nos Pais, nos tin tur razon pa ta orguyoso di nos Aruba. Mi a calcula cu lo ta bon pa duna algun informacion tocante historia di e proyecto. Na april 2001, durante un biahe di vakantie, Eduardo de Veer a mira un produccion cu a impresionele masha. Awor boso mester sa cu Eduardo por ta cu vakantie, pero su mente ta tur ora ocupa cu asuntonan di trabao y cu asuntonan di su Pais. By the way, specialmente den momentonan asina, mi ta kere cu Ellen mester tin hopi pasen-

shi cu ne.

Eduardo a sigui cu e idea cu algo asina lo ta ideal pa por projecta Aruba manera un destino di calidad. A busca contacto cu e productornan y na april 2002, Eduardo a trece representante di e compania Noruego pa bin haci un presentacion den conference center den presencia di un cantidad di personanan envolvi cu nos turismo. Diferente representante di nos gubernacion tabata presente tambe.

Desde September 2002 tabata reuni semanalmente pa negocia y cuminsa preparacionnan pa realisa e proyecto aki. Preparacionnan tabata encera entre otro script, buska helicopter, haci contactonan y un cantidad di otro actividad. Na Januari 2003 e team pa haci filmacion, probechando naturalmente di temporada di carnaval y di nos temporada halto den turismo, a cuminsa cu nan trabao.

E team a traha durante seis siman, tur dia pa oranan largo y a saca mas cu shen ora na pelicula. E producto final tin

un duracion normal pa tipo di filmacionnan. Asina, esta algo mas cu 21 minuut. E lugar mas adecuado y mihor ekipa pa pasa e produccion aki ta e teatro cu nos ta aden y cu normalmente ta worde usa casi solamente den oranan di anochi, pa presenta e show "Let's Go Latin". Entrante otro siman durante oranan di dia, Aruba Panorama lo worde presenta por lo menos cuatro biaha pa dia. Mercadeo lo worde dirigi riba e cantidad grandi di pasaheronan di cruise cu no ta tuma tour durante nan estadia. E objetivo primordial ta pa interesa nan pa bolbe Aruba como "stay-overs".

Pa mi tabata un gran placer y honor pa por a pone mi experiencia den turismo di nos Pais, na disposicion pa realisa un proyecto asina. Un proyecto, cu semper mi a considera di ta un contribucion positivo pa nos turismo, un contribucion pa atrae turismo di calidad. Durante e trabao di e proyecto aki, mi a siña conoce hopi empleado di MetaCorp y mi mester bisa cu ta trata aki di un grupo di mas cu 1100 persona, den su

gran mayoria Arubiano. Hopi di nan cu experiencia di binti y tin te hasta di trinta aña di servicio. Hopi di nan a impresionar mi cu nan dedicacion pa cumpli cu nan debernan y ademas cu un gran amor pa nan Pais.

Un nomber cu mi no por keda sin menciona ta di Stef Nas cu ken mi tabata den contacto tur dia. Stef ta un persona cu un gran dinamismo y energia y cu sa con logra su team pa haci nan trabao. E team di Stef a sa di pone biento supla, floran papia, parhanan canta y te hasta un yuwana haci su actuacion. Stef, den nomber di Aruba, masha masha danki!

Diferente empleado di MetaCorp, pa casualidad, tabata tin e oportunidad di mira e Aruba Panorama durante su instalacion. Serca hopi di nan mi por a nota "awa na wowo" despues di mira con nos Pais berdaderamente ta. Mi kier termina, deseando tur presente un anochi hopi agradabel, y si ora boso weita nos Pais asina positivamente presenta y boso sinti e emocion, laga boso wowo drama numa, pero semper cu orguyo y amor pa nos Aruba.

DUNLOP
ACCELERATE YOUR SOUL

TRUCK TIRES

10-20	524.00
11-20	529.00
11R22	629.00
12 - 20	539.00
11R22.5	469.00

PROBECHA ANOR



C.A.R.S.

Automall NV

Wayaca 33

Tel: 583-0355

TWINKLETONES

Christmas Menu

- Shrimp Cocktail
- Beef vegetable Soup
- Mushroom on Toast
- House Salad

Filet Mignon with sautéed mushrooms
bacon wrapped with double baked potatoes
afls. 49.00

Fresh daily catch with Creole sauce, lemon
and butter
or garlic sauce afls. 40.00

Deep fried golden brown jumbo shrimp or
Garlic Shrimp Scampi afls. 50.00

Lobster tails or Surf & Turf
(lobster and filet mignon) afls. 55.00

Chicken, Roasted with
special sauce afls. 35.00

Seafood platter grilled afls. 50.00

Christmas style
Baked Virgin Ham afls. 40.00

Chocolate cake, apple pie,
flan or assorted ice cream.

Show 8:15 P.M.

Tel: 5860633/5869806
Palm Beach 186-C